



Мэбета вадава" ила' панан' етри' мэква"!

НЯРЪЯНА

НЭРМ



№ 11 (5233)
2025 по'
март иры'
15 яля

СУББОТА

ГАЗЕТА 1931 ПО'
АПРЕЛЬ ИРЫ' ЮКАД ВАТА
ХАСАВАЮДИМДЕЙ
ЯЛЯХАД НАДИБЕРҢА

СИ" ИВ ЯЛЯХАНА
НОПОЙ' СЕРТАБИВА"

Российская Федерация Ямало-Ненецкий автономный округ



Сидяңг: Оксана Яр-тавы

Сянакова,
яляхана

3

Юне вынд' тэвола"



Сидяңг: Уамалынас Няд ханавы"

Мале сян яля' тяхана Ямальной районхана нэрм' тер" серо тасламбада" ерв", «Ямал» нубета общественной движения' няби «Панаевский» кооператив' тер" ты пэртыха" тэвормыщ. Пыдо' Нытарми" Саля' вымна мюсерти лаханакко ня"мыщ.

Тарем' ядэрмандо' сер' ты' илам' минрени" ня тасалкосеты", пудана юне няндо' тэврасеты". Хой' няна илена" тарем' туртаха" маймба пэрҗа". Едэй няндерм' намдава нянандо' җани' сава. Теда' мяк" тэвормы" ненэця" небой по ханзер" хэ"мям", тандая' пывы похона җамгэ' то"олха серо пась тасламбавамдо' вадэ"мы". Хурка нядангосэй ты

пэртыха" мипи", ханзер" җарка хардаха"на тохолкода җацекекы нядабидо', җамгэ' тюку илаңгана тохолкова саць тарана сер", мал" лахарёхонандо' хэтвыдо'.

Район' тиңгывна нэда" фактория" нямна җани' лаханавы". Выңгана тосакатёда" серк" нива ереберма' е"эмня ханзер" лэтрё таравам' вадэ"мыщ. «Бензин в тундру» проектандо' нямна сян вадам' мэ"мы". Я' сяр' нимня хурка" юн" ядэрҗа", җамгэ" едэй" вато" җадимя", маня" яханана" серона" ханзер" миҗа", мюсерта" нина" мал" намдаван' харвавыдо'. Ненадовна Ямальной районхана нэванда" Ты пэрти" сянакова" ялэ" нямна хонарковы".

Тасалковамдо' мале"мяндо'

пуд пирдырман' хамеко пэвыд". Панаевск' тер" җани' яляхана няваталаңго мэ"манда тыдо' подермы", тикахавахад тыто' җэ' хадри" хаюрмы". Нэдалёрти" салмравы сеҳэрэвна нидо' нертемба сюрберта" пибита сюрбермы". Пуна ныхыдырць җамдавыд". Поңганандо' хибяндо' мэбе"маркам, мере"маркам' мале хамэдавэдо'. Хусувэдо' ихинанда таславэда: җахакуд пыхыдм' мэйрамба тара.

Хонравандидо' танияна ненэцие яңга лаханакко ня"мыдо'. Пыдара" җод" сяхаринда хэтуванда ваданда" танияб", нэрм' тер" серо минренахат хонаркуда".

Анна Яптик' падвы

Яна" ерв лаханаңгу

Ямална" нэвахы ерв Дмитрий Артюхов хусувэй по' минрена манзайта нямна вадамда мэцеты. Тюку по' Ямальной филармония' хардахана Законодательной Собрание' тер" нерня лаханаңгу.

Ты" саполана иры' юкад вата хасаваюдимдей яля' намдангува". Нянда едэй мутравна мал' инзеле пиртава". Неноховавна лахарёда ила' паңгаңэ мэта" серо" нямна нэңгу. Округханана" мядо мимбава', сеҳэры сулорпава', тохолкова', лекар" серо", тамна илаңгана тарана" няд"ми" нямна ненадо вадамда хэтаңгуда. Сайнорта" ненэцие җани' тензебтеңгуда. Хурка" нядангосэй пыдо', мято' тер" мэць пирҗа".

Небо' җобтики тарем' ты" саполана ирыхына лаханась. Ваде"мыда илаңганана" җарка таром' ха"авраць. Тики няд"мяць Ямал' тер" иландо' нерняри' миҗа.

Галина Кинчина' падвы

Җобт' падаңгудо'

Округханана" мел' манзаям' пэрты" ненэцие" нубе җопой падарт' падаңгудо'. Тикахана мирць тенева" ненэця", сэдора ва"лэй" не" мэңгу".

Ямална" Законодательной Собранияхана тарця законм' җадимдеван' харва". Тарана падарто' Округна" правительство' сайтхана җа. Таяд юнета" мел' ненэцие" нубе" хавна яна" тер" җока җамгэм' тола пирта". Мел' нидо' җамгэ" то"олха җавэ мимбавамдо', ханзер" мирмамдо' вадета". Сиддо' сяхари' нядаба пирта". Тарцяха" сыраць теда' вадёдана", мелҗэ хэван' харвана" җацекекы" җарка няхатато' тохолкода".

Маня" нэрм' тер" ненэциена" мирць, сэдора илева' ямбан' тенева". Пыдо' җарка нито' хэвхана нердена пясикадо', сэдҗидо' пясеты". Теда' тасла тики иңуд саць яля' ня' җа.

Тарем' Ямалханана" невхы илна" саирм' лэтраван' харва".

Руфина Окотэтто' падвы



Янгуна пэяд'

Ямал' ҕардавна илена" ты пэртя" нарэй ялэто' това' сер' янгунавамдо' пясеты". Сиддо' нядаба ты" лекар" ҕэсы"мана ҕэдалёрцеты". Теда' тарця юнм' Ямальской, Шурышкарской, Приуральской, Тазовской район' няд намдава". Тюку" ялэ" пиркана мале си"ив ёнаркад вата тым' янҕавы". Юкад вата самлянҕ лекар" бригада" манзара" пэвид". Җокханда 2025 по' ямбан' самлянҕ юркад вата тет ю" ёнар" тым' янҕа тасламби".

Нара' сие ниць иры' ёльцянд' манзараңу". Тикы' пуд ты ниць ирыхына ҕэвадэда". Таңы ялэто' това' сер' ҕани' пянҕудо'. Ты" лекар" е"эмня Салехард' няд Нядаңгарад' ёльцянд' вэнгалёда машин" сехэры' ядхана сидя мюселембада хардаком' ҕабтавы". Пыдо' таянд хахая ҕэда" ты пэрти" мяк" ҕэдалёрҕа". Ямальской, Приуральской районха' ҕэсы" ты лекарабтамби". Иры' ямбан' таяна мэнҕу".

Вадавнато' нара' няна манзаядо' хаця сибё. Ты пэртя" мядодо' харад" хэваркахана ҕа". Лекар" таңга ҕэсыхыто' мерета" еся хано, машина мэць тэворҕа".

Янгунавамдо' хавна хусувэй тым' ненадумдамби", хавопярха биркадамда тебдемби". Тикым'



Сидяңг': Т. Лаптандер' тавы'

няд"мяць хусувэй ҕамгэм' тасла пирта": ервамда, хурка хабцяңгад прививканда таянавам'.

Ямалхы ты пэрти" Союз' нерм-

бэртя, Тимофей Нгэкович Лаптандер янгунаана" ненэцие" мяк" тэвормы. «Ты пэртя" теда' тэтна". Паса хабцяңгад тыдо' янҕаби". Тикы' хавна «бруцеллэз» нюбета хабця' таянавам'-янҕовам' таслава' е"эмня вэидо' ханаби". Манзаядо' ты пэрма' серкана – ҕарка таром' минре», - ҕэдалёромита нямна лахана.

«Ты пэртина" мале сидя по' ямбан' электронной RFI"-бирка тэхэ"нато' мэ"ҕа". Ёльце сава няд"манэ тара". Ненадовна тарем' палаңгана" хабцяхаттеневава". 2030 по' ёльцянд' тарця" ненадумда"ми хусувэй ты пэрти" ҕэсыхына мэць тасламбина"», - округна" ҕарка ты" лекар" Евгений Попов едэй ненадумда"ми саву"ҕа.

Тыто' хавна ненэця" вэнодо' янҕаби". Палаңгана" хабця" хуркари" ҕэсеты", ҕадьбята етри' лэтрэ тара.

Харто' тыдо' лэтамбада" яна" тер" янгунавамдо' пуд ты" лекарахат «ветеринарной аптечка" ня"ма пирта". Тикы' е"эмня есям' ни" салдамбаңу".

Галина Окоэтто' падвы

Пэхэрэй тэвола"



Сидяңг': А.Яптик' талтавы'

Ямал' тиңгэвна ҕэрм' тер" тодо" яха"на иле". Ханяңы" нина" пэдари" нямна мюсерҕа". Пыдо' тундо' пянҕэ хасуй пямэ"ҕа". Харто' поёрҕа". Пям' маңҕэ нидо' мэс". Тарем' ҕэрм' няна илена" няхатато' таңга". Пэдарасяда вымна мюсерта" мале иландо' ямбан' торомбэй". Ханяңэхэна тундо' табцами нянандо' мюселемба пэрьядо'.

Районандо' серо ня"амбада" е"эмнандо' янҕа пядамдо' тэмдаби". Тикы' е"эмня округна" есь" пэнэсянҕад есядамдо' ҕадимдемби". Хусувэй по' пядамдо' янҕа тэвола". Тандаярка сырэй сехэрэвна тэвана пявы".

Сеяха' харад' ҕэвахана мэна Станислав Вануйто' вадавна, тюку по' ҕокханда самлянҕ ёнар" кубометр' пир" пэхэрэй тэвраңу". Тикаханато' округна" есяха"на тэмдавы", тамна нядаңгода" предприятие" тавы" пя" ҕа". Сабетта' няби Сёяха' няд' вынд' ҕэдабтамбидо'. Пито' мэлва" мале ҕахакуд таславы". Вы' тер" тикы' мэлвахат тенева". Тодо" ҕэсы" сер' таславы". Ненэця" таянд пядамдо' тараванда мальнҕана хосаясеты". По' ямбан' сава няд"манэ мэтыдо'.

Неноховавна сяңок пя таравам', ханя' тэвравамдо' мюсерта" ненэцяңгат хонрамбидо'. ҕадьбята тэврамбада" пэхэрэйдо' хусувэй по' ҕокамдана". Пэхэрэйто' ҕэсь я" ҕобтики несэйворҕа". Я' мал' тер" тарця нядаңгосэйм' ёльце саву"ҕадо'.

Галина Кинчина' падвы

Сэрадм' пирдалеңгудо'

Тев' ёльцяңгана нумда хуркариңэ ханцеты. Ханяңэхэ"на саць тецьхамда, ҕанихи"на лакри' иба тута, сарюмда. Тарця ҕэванда мальнҕана мюсерта" ненэця" тыто' няримна няркнасеты".

Янда ний салабаңэ хэб" тэхэна тоена-на сырам' хадыбава нензел" ни ҕа". Ты" нядадамдо' пось ядэрць пэсетыд", вынхала хаңгана" ҕани' таясеты". Нямэхы хэвы си"ив яляхана сэрадахад ты" хаңгава' нямна мале паднаваць. Тамальнҕана Нядэй я' няюд юнм' намдаваць. Тандая' ты пэртя" Сёяха' выңгад вадам' ҕэдаравыць. Малё сян мюсерти" мякана тыдо' хавы", ненадовна сую" ҕэдараха".

Ты пэрти" вада Ямальской район' ервха" тэвыць, сиддо' нядаби". Җэрм' тер" серо тасламбада Управления ҕэвахана мэна Олег Вануйто тарем' лаханавысь:

- Выңгана мэна" нина" ҕамгэри маянд' ерембато' сяхаринда нядабина". Сёяха' серо ня"амбада мядо"мана ҕэдалёрць пэяць. Нара' сую" выдаравахад теневасетыва". ҕахакуд комбикорм' мипа пясетыва". Теда' тамна сидя ю" тоннам' миць тасламбива".

Ты" лекар", АПК департамент' тер", учёной" ты пэртяха" ҕани' ханта". Пыдо' хэвадо' сава ты манэсарта", нум' хурка ҕэвам' тасламбаңу".

Анна Яптик' падвы



Сянакова' яляхана

Ново́й Уренгой' няна Ты пэрти" сянакова' ялям' мэ"наць. Тая' ма"лёвы" нули" жока" нэвыць. Тюку по' хардандо' нарка соя"ма яля по. Џадыбьята хэбидя яляхандо' сабе тяхасовна хамековыць. Сидя нумгаудо' мер' хэвэхэ'. Мядо-манзь товы" ненэцие" ихина нули" сава нэвы, пон' нивы" манэпавы" няхато' маймбавы".

матби", хабте"это' нямд" хараси" вуни" пэбтаң", сибёцяко"ма нод". Няваталаңгурць нэдалёртах" сырмани хавна манэ"мэрхами тянё. Тэмдоркарта ниваць тэв", тэрихив мирдападидо' манэ"янась. Тецяркана ялясь. Тикахад харад' тер ненэцие нэдалёлтамбининзь, есядами недвопининзь. Тарць" ямбхана нылэйна", хэвняд мядо-манзь товы" нина" манэ"јава", јани' понда нэсонд' няха"на" нива" тэворт".

Сёбаркав" тецьдахад ехэравыць, сидя яля' ямбан' нидо' нертемба тэтнавыць. Хусувэр няхаданда мэбе"ман', ва"лэй нэван' харва-высь. Матопада" нудито' тер" сава" нэвы". Ныхыдырти" поңгана Лев Езынги я"авлавы. Сергей Яр няби Никонор Оковай нод" няханди' выдаравэхэ'. Сямянхат Алексей Пяк тыда мере"мы". Пуданда Константин Хатанзеев няби Филипп Пяк товэхэ'. Нехэт Анжела Пяк, Эдита Вэлло, Александра Рокина ва"лэйвана тыдо' харебавы". Тюр' малм' Сергей Лаптандер жокавна яркавэда. Песемя Сэротэтто няби Руслан Тибичи няданда хаця" хэвэхэ'. Хано санарпахавя Виталий Вануйто' нэ" са"мы". Игнат Хороля няби Василий Лаптандер нод" тянёвна санавэхэ'.

Пирдырма' хавна тамна хур-кари" јаво манэпавы". Ямал-на" ханярид товы" сё мэтах" инзелевы".

тэваңгунэ, јобкарт' јобто"лас јамгэри мэтам' нин манэ".

Лаханаконя"мы нями тэхэ"на пирдырти" поңгана мэванзь тас-лабвэдаць:

- Нэдалёван' харвадамзь, тарем' вуни ерев". Нярими нэдалысь. Хахаярка Ново́й Уренгой' хэван' нэсовы нэб"на" хабте"эна" таңга тэвраңгунаць. Таңгунаҗ" минревы" ты" ныхыдо' ханяд јадимда.

Нэдалёва' сер" нензел" сабе ни ја", тыд нихивабто' вэнолаңг", тосакабтёдада яңгорка. Теда' сянаковы" не" поңгана јопойдо' хадюмясь. Таремгав' пыда ёльце торомбэй, јобарка' нерняна мэсеты. Сяхаңгав' нянани пэдара' няна илена" нэдалёбто' саць меретарха" нисеты" ја". Пудана" похо"на етри' пыдо' нерняна мэна то"олха". Ханм' мэта" тамна тыто' нямдо'



Илма" тохолковахад пере

Тад тованда ирыхына нэрм' тер" илебей" ненэця" јани' тохолко пэңгуд". Тодо" јаха"на илени" е"эмня «Школа общественной дипломатии» тохолкова минда. Тюку по' мале тарана серм' тетимдей мэва' минреңгудо'.

Тая' еремян' харвана" school-kmp-rg.ru сайтан' тюңгасеты". Нерня тохолкованзь пэрта" харто' пыхыдато' нямна лахана", падна". Пуна сиддо' интернет'

мутравна ма"ламби". Таддикахад сие" ниць ирыхыд маңгы" иры нэсонд' нюртей тохолковандо' пелям' мэць пяңгу". Си"ив ю" час" пир" лекцияха" инзелеңгу", хуркари" серо минрена" ерво лаханаконята". Невхы" похот харто' ёхо"нато' илени" тодо" тэңз" ненэцие" ед' јадимдевы" няби јадимдембада" вато" нямна намдаңгу".

Тохолковандо' нябимдей пелян' сидя ю" самляңг ва"лэйм' ханаңгу". Пилю" ирыхына јам-

гэхэв Россияханана" нэда яхана ма"лэда". Небой по' Якутия' нямна нэдалёрнаць, Ямалан' турнаць, тамна тяхакуна Красноярской край' ня' тэворнаць. Тюку по' јани' ханяңэхэв ям' манэта", тедари' нидо' вадес".

Тикы" поңгад мале сянм' ва"лаңгу", тэравэридо' яна" нарка март' ханаңгу". Сиддо' Московской государственной институт международных отношений нубета университетан' ядэлаңгу". Таяна жока" ненэцие" поңгана

лахана, илаңгана тарана проект сертаба тоходанаңгу", ерво" манзаям' торомдамбаңгу". Сямянхат теневабцода савамбовна манэ"лабтавы есясавэй тохолкова' падарм' ня"маңгу, ханяна харва таяна тохолко пиртада.

Тохолкодадамдо' ты" саполана иры' сидя јудимдей яля' нэсонд' натеңгу". Џадыбьята теневабцода жокамдаван' харвана паромбаркабта тара. Сяхаринда манзетынё", тохолкова саць сава сер".

«Юсна», тер" нерняри, ца"

Новой Порт хардахана илена" не" хусувэхэт пэрта манзаядо' саць жока. Пыдо' культура' мякана ма"лоржа", «Юсна» нюбета клубан' ядэржа". Таняна ньланава' яляха"на хардандо' тер" е"эмня сава серо минре".

Ма"лормандо' мальгана ца-во пэрмамдо' няни клубандо' нэвахана мэна ваде"надась. Тарця проектм' Явлода Худи ня"амбида. Пыда тарем' мась:

- «Юсна» небой та' нади-мясь. Тикы' нерцю" няни' ма"-лорцетыва". Ханяңэхэ"насамляңг-си"ив ненэць' тута, нянихи"на тамна жокарка. Намгэ' пирт' серона"тидпой" миңаць, мярэйхад хуркари намгэри сэдьбасетыва", падко", есь" няби карточки" нэсь" нэдакы", паспорт' синд"мя". Пуна лакри' сидна" ма"ламбавы нява" хаясь. Мале пон' тэри илеваць, тикахад небо' няни' яебтюрць таславаць. Проектм' падава", сидна" саву"жа", есяна" няд"мад та". Тедахав' жопойри мярэйхад намгэри нива" сэдью". Хар"на" илна" саирм' нерня' пэржава".

Хардаханандо' сиддо' мале тенева", няндо' турман' няби нядандо' тохолкован' харванадо' жока. Хэвняңы" яхат туртидо' нобтики таня". Явлода лахарём-да тамна' тяха' ханадась:

- Жобаңгуна яхана" варан'

нарка ту цано нултась. Россия' тиңгыхыд мядонда" товыць. Маня" сидна" вэде"манзь няни' тюңгаць. Мякато' ханаванда нудито' терад сертаць, мярэйм' цолепяхана падтамбиць. Ненэсь хардаханана" ёльце савав-на мядоңаць, тэри маймба хаяць. Ехэрана" яхат нэди" хавна тохолкода" турцетыв". Нуда' тяхана мэта инякоцям' сертабиць. Хасава" жацекы" мярэйм' ма-торпада лазерм' саць саву"жаць. Ява" лэтрамбада" нина" няни' нина" юрыбасету". Мал" нобнзер" нядаңгосетыва". «Свеча солда-ту» мастер-классхана нармы ненэцие, жацекы линюй сертаба тохоламбасетына". Линюйна" саңговота ларасм' Салехардан' нэдараваць. Таняд ява" ерамбада" нина" нэсонд' тэврадонзь.

Тандая' ни' иня паңгалпа пывыць. Тар-ця сер" нянандо' нюрцям', тикахад таром' минре". Паңгалмы" нидо' намгэри" хэбидя" ялэ" ёльцяңгана се-рыба пирьядо'. Хусувэхэт нерняңы" ялэто' нямна цахакуд ибедоржа", няни яляхана ца-димдеван' харвана" серодо' мале тидхалевы".

- Клуб' тернэ маня" ненэй мятава" пал"ман харваваць. Цадьбята небой по' няд"маңэ там-



Сидяңг: Я. Худи' тавы"

на няни' жопой про-ектм' па-даваць. Те-да' тикэва"

саву"жадонзь, есяна" няд"мадтаць. Хэбидя" ялэ" ёльцяңгана ненэцие мядолабтамбаңгува", хуркари яля' ня' нэда серо минреңгува", - лаханакко нята нями маймба ма.

Нюдяко хардахана нерня' нэда", нито' нямна няркнана" ненэцие" танява ёльце сава. Илесь яндо' илам' харто' савумдамбидо', нудаха"нато' мэввна ня"амбидо'. Пыдо' вадавнандо' тэри хэв-няд цатенахаваб", намгэхэрт ни цадимд".

Анна Яптик' падвы

Мирць тоховы"

Ямальской районхана Сёяха' хардахана «Пясик» нюбета проектм' минрець. Тет яля' ямбан' миңась. Манзаямдо' «Лё» мяд' тер" тидхалемби-донзь. Мел"мана мирць тене-вана ненэць' - Никита Львович Хороля таняна мэвысь.

Пыда округханана" мелад" ненэцие" хардахана ман-зара. Харда па"мя. Хуркари" выставкаха"на, конкурсах"на пирдырцеты. Выңгы иланда саирм' мивы намгэрихи"ната манэ"лабтамбида.

Сёяха' терха" «Дом культуры» мякана мирмам' надимдембавы. Теневабцота сер' ненэцие то-холамбавы. Мирць намгэри" танявам', ханзер" мэць таравамдо' ваде"мы. Ненэця" лэхэд хуркари" цавэ сертабавы". Ханяңы" мяд' терсавэй" турмы". Жацекы ня-ни' тохоламбавыда. Етя шко-лаханандо' мастер-классам' манэ"лабтамбавы.

Тикы проектандо' нямна Ла-риса Николаевна Вануйтим' хон-рамбидамзь. Пыда тарем' лаха-нась:

- Хахаяда поха"на Сёяхана" нэрм' тер" жацекы" школам'

мале"мяхадандо' жопойхартадо' ЯМКан' мел"мана миртяңэ то-холко хэвы нэбта сава нэңгусь. Илебей" ненэциена" жокартадо' миртяңэ ни тохолку". Теда' е"эмнандо' тюку серм' надимде идеяваць. Грант' есямэць проектм' серта таславаць. Нюрте"э' мирць тараванда" намгэридава" тэмда-ваць. Тад пуна тарця манзаям' сававна тенева на ненэцям' ханзь



Сидяңг: Лариса Вануйто' тавы

Никита Хороля Сёяха' тер" нида ёльце сава серт' тохоловаыда. Ты" нямдахат хуркари" тарана" намгэрико мимбаңгу". Тедахав' «Пясик» нюбета проектамдо' харто' тамна тяха' минреңгудо'.

тарась. Саляңгарад' мелад" ненэцие" манзаралаван' вадам' нэдараваць. Мирць тенева на ненэцяндава" пюржаваць. Тарем' Никита Хоролям' хажаваць. Пы-да ненэй ненэць', выңгы илам' са-вавна теневада. Тет яля' ямбан' ненэцие, жацекы тохоламбись. Тоходаванзь турта жокась. Ти-кы манзаям' цули" саву"жадонзь. Школахана тохолкодина" поңгана

маси" мирмам' мэнена надимда. Ва"лэй, пэдава нэңгу. Тамна хуркари" проект конкурсах" нэдабтамбиваць. Тедари' нидонзь манэсар". Няни похона тамна не-сэй манзаядва" тасламбаңгува".

Мирманзь турмы Алексадр Цокдэтта инда ядэрабцо" тар-ця":

- Мань жацекы цэвани мальг-гэхэд мирць теневадм'. Хой' няна тухудамзь. Па"мя харха-на мирцетывдм'. Теда' «Пясик» проект' сер' едэй цавэ, машинкам' тохолоадм'. Тикахана лоңгэйм' падтадамзь. Падта"мада - ты' цэва. Цули" нензел" цэвы. Ехэрана мутрам' няд"мяць нини лоңгэяд, масерт хар"ни сертаңгудм'. Тикан' ма"лэвэңэ ялява" савав-на мэ"жаваць.

Тиканда выңгана илени" поңгана харто' ихиндо" мел"мана манзара тенева на" жока". Ты" нямдахат, я' хора' лэхэт хуркари" масеро, сяр' лы, пясик, халцо"лэ мимбасеты". Маниеб", ихиня сава" нэсетыв". Хардахана илени" поңгана ва"лэйвана мирць тенева на" няни' танясетыв".

Руфина Окоэтто' падвы

Тиман' мэбета"

Индигахана Ледков" паңгхат перена" мяд' тер" тания". Тев' ёльцянд' пыдо' «Индига» СПКхана иринато', нисянато' пэрмы серм' минре". Тикы" ненэця" тэхэ"на мэвадо' Алексей Егорович Ледковхад миңа. Пыда Тиман' няңы" ты пэр-тяхат паңгды. Харта яхананда жока по" ямбан' нэсы' ервнэ тарась. Ваеравы" юр" по" 70 - 80-ей похо"на маня" округханана" пыда нюмда хусувэй хойхана сосеты. Манзаямда һани" яха"на ты пэртя" пыдаван' харвасетыдо'.



Сидяңг": Ю. Талеева' гүдабтавы"

Алексей Егорович 1927 похона хор" ирийхана Тиман' выңгана соявысь. Выучейской' нэсыхы школахана тет классм' ёльцевысь. 13 похонанда мале нарка ненэяндарев' ты пэртяңэ таравысь. 1944 похона Красной Армиян' тэвыць, Курильской жохо"на, Сахалин' няна, Владивостокхана мэвысь. Пуня' мяканда 1951 похона тэвыць. Пухуцяданда Ледков Евдокиям' мэвысь. Хаюпа хэванда нерцюна пирибтя ёрмысь, нита ня халэдавись. Хаюпа хэ"мяхаданда хоян' танавыць, вэсаконда хэвхана мята серо минревысь. Ледковха' самляңг нюди' хойхана соявы",

таняна вадёвы". Небяндо', нисяндо' хэвхана харто' явнандо' мюсермы".

1956 похона Алексей Егорович партиян' тэвыць, тамальгана «Тиманец» колхоз' нэсыхына ервнэ хэвысь. 1963 похона манзаямда тенева на нерм' пэртям' «Индиговой» совхоз' хаюрта нэсы' ервнэ ханадонзь. Нэсым'

тю"у иладась, манзаядо' сававна нерня' миңась. Сита КПСС XX съезд' делегатнэ тэрадонзь. Алексей Егорович Ледков «За победу над Японией» медальда тания. Сававна жока по" ямбан' манзараванда нямна тарця" хуркари" ненадумда"ми ня"амвысь. 1985 по' нэсонд' пили" нэсы' ервнэ тарась, һацембой" ты пэрти то-

холамбасеты. Пуна ныланаванзь тарпыць, нисянда минревы нэсы' ервнэ хасава нюмда таслаць. Алексей Алексеевич тет юкад вата по" ямбан' тэхэ"на мэ. Нули" нерде' нисянда хэвхана мэсеты, тараб"нанда нюмда нядабасетыда. Вэсако нэбта нод" ненэциеда етри' тидхалембасеты.

Сяхари' Алексей Алексеевич тарця" вади мэцеты:

–Хойхана хусувэй хибяри мэсь нида пират", харвабцода хари" яхад турта' то"олха. Ты пэртя хусувэй һамгэда нарка няха"тата миңа – мел" нэвада, ямда' сахарамбавада.

Сян мэвна харад' манзаи пэрманзь ханзетыдо', хасава тарця" вади лэркабт' мадасетыда:

–Мань хантадм', һанир" ханда. Хибя нисянана" е"эйңэ тараңгу, хибя тэхэ"нана" мэңгу?

Тенад' выңгана мэ, тыда мание, нэсында серо тидхалемби, тараванда мальгана хоян' тэворта" ты" лекар нядабасеты. Пыда СПК «Индига» правленияхана мэ. Хусувэй серкана ирт' нэда ненэць. Жока по" ямбан' иланд' ивьер' сырта, ненадумда"мида жока". 2020 поход СПК «Индига» матдомдэй нэсы' ерв' Алексей Ледков Россияна" ненадо манзарана нювм' минре. Пыда' паңгхаданда минда" ненэця" Тиман' хойхана ты пэрма' серкана жока ханда манзараводо' сидя юр" поход ва"ңа". Ты" сехэрэдо' тамна пон' хайная. Тамна жока юр" по" ямбан' Нум' вэсако ябдамдо' тэврамбая.

Юлия Талеева' падвы

Нёда" хаңгур"

Округна" тиңгэвна жока ханда няхар" юр' пир" «грипп»' хабцям' палабтавы" ненэцие лекарабтамбавы". Яра иры' пудана" ялэ" ямбан', ты саполана иры' нердена пеляхана ОРВИхана хаңгурта" һани' тания".

Нармбэй", илебей" ненэця", һацекекы" мал' хабцям' палабтамби". Е"эмнандо' лекар" мяка"на етя лоходо' тания". Тикаха"на тарця хабцям' мэтари" юседа". Саць жокавна «Н1N1» - свиной гриппхана хаңгурта".

Сиддо' маниена" лекарадо' нобтарем' хусувэй яля' манэсарьядо'. Поңганандо' хаңгулавым' хобто', манзаяхаданда мяканда нэдараңгудо', лекар" мят' мэб"нандо' нод". Нарка" марка"на, нюдяко" хардаха"на лекар" мякана мэна" нидо' вэде"манзь турти нидо' нэдарамбио".

Ямал' тер", пыхыдада" лэтрамбида". Лекараха" турпата", лабкаха"на, ханярина жока ненэцие" поңгана маската ядэрнада". Ядэро"мита" пуд нудиди" ланзякм' няд"мяць халтамбида".

Солне Жокадэтта' падвы

Пирдырта"

Ямал' яна" тиңгэвна һани жопой конкурсан' хамеко пэйва". Нэрм' тер" серо тидхалембада департамент минреда. Илебей ненэцие" е"эмня таславы.

Юкад вата сиднет – няхар" юкад вата самляңг потна" ненэця" помнандо' пирдырта". Нерня' ха"амвы" нидо' «Лучший авторский проект»' е"эмня округна" ерв' һадимдевы премиям' ня"маңгу". Тикы пирдырма нэрм' тернэ вадина", лаханакко, невхы илна" саирм' лэтрамбава' няю' тидхалы.

Мат" премия самляңг ю" ёнар"мана нэңгу. «Душа народов Ямала» няби «Семья народов Ямала» номинацияхана ва"лэй" ня"маңгудо'. Сие ниць иры' 4 яля' ёльцянд' конкурсахана мэван' харвана" падродо' Нэрм' тер" департаментан' нэдабтамбаңгудо'.

Тамна саваркавна конкурс' ня"амна нэда вада департамент' сайтхана пады. Телефонувна хонарко һани' сава: 8 (34922) 6-70-21.

Сертавы" манзаидо' тюкон' почта' сер' нэдабта пирьядо': 629008, ЯНАО, г. Салехард, ул. Гаврюшина, д. 17.

Галина Окотэтто' падвы

ОБЪЯВЛЕНИЕ

ПОЛНАЯ ИНФОРМАЦИЯ ПО ТЕЛЕФОНУ
8(902)81-6-11-90
ЗВОНОК ПО РОССИИ БЕСПЛАТНО

СЛУЖБА ПО КОНТРАКТУ В ВС РФ

ВРЕМЯ ДЛЯ ВАЖНЫХ РЕШЕНИЙ!

КОНТРАКТНАЯ СЛУЖБА
6 200 000 Р
ЕДИНОВРЕМЕННАЯ ВЫПЛАТА
3 500 000 Р

ПРИ ЗАКЛЮЧЕНИИ КОНТРАКТА НА ЯМАЛЕ

Прибывающим с других регионов, возмещаются затраты на проезд от места проживания до г. Салехарда. В период оформления проживания в г. Салехарде бесплатно, 3-х разовое бесплатное питание!

ОБУЧЕНИЯ:

- ✓ ОПЕРАТОРОВ БЕСПИЛОТНЫХ ЛЕТАТЕЛЬНЫХ АППАРАТОВ
- ✓ ТАКТИЧЕСКАЯ БОЕВАЯ
- ✓ МЕДИЦИНСКАЯ ПОДГОТОВКА

3 100 000 Р ЕДИНОВРЕМЕННО ОТ РЕГИОНА
до 120 000 Р СЕРТИФИКАТ НА РЕАБИЛИТАЦИЮ

400 000 Р МИНИСТЕРСТВО ОБОРОНЫ
ЗАКЛЮЧЕНИЕ ВОЕННОГО СОЦИАЛЬНОГО КОНТРАКТА

ЕЖЕМЕСЯЧНЫЕ ВЫПЛАТЫ ПРИ НАХОЖДЕНИИ В ЗОНЕ СВО

РЯДОВОЙ ОТ 210 Т.Р.
СЕРЖАНТ ОТ 232 Т.Р.
ПРАПОРЩИК ОТ 292 Т.Р.

Шатуа ни" мяналя"



Таттама: А. Пяк таттамы



Нешаң дилвсохона неңи - мят нямпёта, тум чудипёта. Пимшата неңи һамьди һайватам пяпнанта, нита дяман. Талям понантоң ниһашкиуде" тамна нючаңә шаңкмян выңкай мансдяң тохоштомай". Пуровский районхана Ѓәлм' чел" ниһашки" поңкнатуң мяналмаң мәты «Шатуа ни» конкур' шедгашту".

Пимшамантуң камна мяналта" неңи" чупей шатуңа", вивнугуңа", медят". «Шатуа ни» конкур' Талкахана манде нимимты мә-

маң шедтаматуң. Шанат тэм нешади" культураң дет тасдёта центрхана мансланни" шедтамы. Няматадакулма дяляхана мёнтоньш. Чуки похона һупчики хампляңк ни" мяналяш". Ненэй неша", капи".

Милена Айваседо мяналманта мэт Калясамэхэт томай, Августа Абдусаламова Самбулкахат мэна, Мария Кунина понанта Талкахана дилимы, четаң Ноябрьскхана манслаңа. Инна Тома, Виктория Айваседо Талкахат дилиһаһаң. Мяналта" ниһашки" конкурхантоң нельшут һанатамэт. Сценан нудмантуң нельня нянантоң бьюти-специалист" манслаңаш", парихмахер", визажист" шичитутуң

нятапиш". Чуки похона милсатоң шиниңкуй хайнольчи" милсатлям шедтадэтоньш. Талям дety милсыхина таттыңкуш".

Шичитутуң нятапёта маньшту: мяналта" ниһашки" чупей шатуңа". Ты" падильчи" дяляхана шатуа" неңи" сценахана, шичитутуң маньдени" шакна мяналяш". Шатуа ни" маньдемантуң мэт һука неша" һомаш". Мяналта" ни" чет' тапачал" шедтапё мяналяш". Нельчезэй дилтуң нямна мунуңаш". Кунят мэммантуң, куше дилимантуң, һамэхэна мансламантуң вачаңаш". Творческий" номер шедтаңаш", паныдётуң һычимчимпиш". Тальша номинацихина чепильш": «Я-северяночка», «Сияние Севера»,

«Голос предков», «Искусство движения».

Куше мяналмантоң таньдет тасламы жюри" маньдеһатоньш. Мяналта" ниһашки" дельше пимши". Кудкади" һамым пяпнантоң, ништу димум. Конкурхантоң хомана һанатамэт, сценахана һука нешади" шакна дельше хомана мяналяш". Пытоң маньшту", нянантоң таньше мяналма вильһа. Мяналдыш хитамахататоң чупей диплому" нямаляш". Няхамты местам" Инна Тома канаһата, нимимты местан Милена Айваседо ка"амдяш. Һайвахай местам" Мария Кунина канаһата, чуки похона пыта шатуа ниң коронам" няманһата. Шичта шатуа ниңә жюри" тонлаңа".

Ты" шичилпёшь чепьһа"

Маня" Ямалханана" шанат дёнал ты". Совхозхана ты" падильчи" камна, общинахана, крестьянско-фермерское хозяйствахана мансланна" һупчики кальтуң тытуң тадымэңа". Талям пу"тахана, чейня ты" лекал" выңкна дилина" нешади" мятумана, ты" һисымана дятэльшту". Палтонхана ты" шичилпёшь чепяшту".

Четаң куки дяхана" манде һисыхана манслаңа". Хампляңк бригада" ты" шичилпёшь чепьһа". Манде шеёв дёналкат һука ты" тавсудта" дечахат шичилды". Чуки похона һопшеды Ямалхана һайта һисыдю та"амна хампляңкдюкат вача чет"дю" дёнал" тың вакцинат һамтань".

Таньше мансламантуң мәты, ты" шичилпёта" лекды" шичитутуң нятапёта" нетуң няш нельшут һанатамэт. Һайваш мэсугатуң һамыкотуң тэмтамай, ты" ши-

чилпё" мэта падтонтуңуң һа натамай". Вакцинатон һука", чупейшичилдванта тэңи" падтонхана шичилтайтуң. Татһявта дилиң дельшат шичилпётдэтуң, тай"ня ты" вачутамаң нельшуна хитанадэят. Чикехет ты" вачумахат һай чепьһы". Һопшеды маня" округханана һайта ты" һисыдю" та"амна кашем"дю"дяңкня ты" лекал бригада" мансланы". Ты" шичилпёмантуң камна, ты"



Таттама: А. Пяк таттамы

каха" ненатумтапёшь бирки" һамташтоны". Чуки ноптухуна тальша шипей" кындман дельшкана ты" һамсам ништутуң нямалпю".

Пюд дяханана шича совхоз: Самбулкаң няна һайта «Пуровский», Талкахана һайта «Верхне-Пуровский», һуп крестьянско-фермерское хозяйство «Ихьяхинское». Совхозхи тондюта" һисы" чупей

ты" лекал" кондятуң. Маня" Пуровский районханана" ты" вайма дечахат" шичилпёшь нельня выняңи «Пуровский» совхозхат чепьһы". Таньняна тытоң һука. Һыдитон нум таңичумахат шичилпётдэтуң. Сельхозпредприятыхи тондюта" ты" һисы" камна кальтуң тытуң падильта" нешади" ты" шичилпёты", чики нельня ты" лекалт мамыңпяпнантоң. Кимя патал нельшут патса, чики нешади" ты" һупчики шитдэтуң. Падтонхана вайма, тавсудта" дечахат шичилватмы тэңи", таңичохона нум һадкамана дячапёты, канындаштут. Талям нельшут падтонхана шичилпёштутуң. Ты" камна һисыхана мэна" вэдяку" шичилды". Непоң тытуң тадымэна нешаңк ветеринарный' аптечки мичилпиш, чуки похона чики падтонтуң лаптыдю һай һыди талана" падтонхана нятадэтоньш.

Лэсё хоркы



Сидяңг. М.Яр талтавы

Лэсё хоркы җоб" седа' җэва' нина пили" илевы, ханяхарт' тикы яхаданда нивы ханас". Сырэй тецьда ёльцяңгана җани" хоркы" еси" няво" ня' хан"мы". Таняна неру" поңгана хэңг, җавар" җока, сырада нюлак. Лэсё хоркы седакоходанда ханяхарт' ни харва". Пи' седаконда хэңгкохона сыра мядикохонанда хонёсеты. Җавраданда ханюй җоди, неру" малкэци җорцеты. «Хэвнямна хумбанзи" җавэда җорта? Седакохонанда җаврада җока», -ида тарем' ядэрцеты.

Җоб" сыра' сата" тецьда" то". Җэрм' хадхана выңгы я җули" туху. Хоркэция җаврадамда седакоходанда маяндорць хомби. Есяраха" парондэй" ныхысяда" җэкцяханата сирьито' яңгу". Хахаяда" неро" мал" туху". Җаха"мна тирць хоркэция ныхысялма. Таддикахад җо" җамгэ тенева яханда ханда? Иланда

ямбан' седакоходанда ханяхарт' хан"мада яңгу. Җэрёй сабкавы сыра мядикомда илебцартанда мэ"җа. Сата тецьдахана тиканда хэңгахана мэсеты.

Тюку яля' няхар" ханюй җодякоцям' җод" маңгханда хо. Җэрм' мерцяхана пулараңгаван' харва, мядикохонда маяндорць тэвы". Хоркэця мядиконда мюна мале сян яля җаворципой" юсе-

да. Тай' юрка ныхысялма. Тэри ирида ядэрҗа: «Сеня' җавнанда нини" еси" моңгаха" си"ми хаңацяню", җамгэ нидм' намд". Тедав' хавандархадамню"».

Җамгэ' ёльцяңгана хоркы мерця' таха"мана вэнеко' тёрм' намда. Сеянда хэсь тамна җыльняку' хасерй", сэвда хаямла.

Та' ёльцяңгана Илку седаку'

ядувна җэдалёвы. Неранда няна нявотада хакцяда хаван' харвана хоркэцям' сыра' җылад җабтанда ед' ховэда. Илку хоркэцям' хоба' мю' юяць мяканда ханада. Мякана ханимы хоркэцям' ту' хэван' юсебталадо'. Няхар" яля Илку' хада хоркэцям' савумдамбида, тетюмдей яляхана сэвда нэйда. Илку' хада җобңгуна хоркэцямда хонрада:

-Җамгэ седако' нина җопойҗэ сыра' илен', няха"нат җамгэ еси" моңгаха" нин ханас"?

Хоркэция ха"манда? Харта лэсёванда е"эмня хаё"мада нянанда сяткабтысь. Мунзи" тецьдахана ханьмы" няръяна" нирцьбеда манзабтамбись.

Тедахав' хоркы җаврада җока. Илку' мя" яха' моңгахана җа, хэвхэда җарханда неро. Сеней" хэвы" нида тикахана мэвы".

Эмма Вануйти' павды



Сидяңг. Х.Х. Яунгад талтавы

Хасуй вэбакоця' ядэро"ма

Җарка ям' таб мара хасерй". Лохомбадараха", сюрна" хамбда салабаңэ ханимья". Тад нерня' тецьдада сахама. Сэракако сыра тецьда няхаданда хаёвнзь пина, ханимы яна" хобам' җобри" тондабида. Җарка сыра' сэв" яв' вархана вадёдана паю" пэдаракон' җули" тондада. Неру" малхана хаёвы хасуй вэбакоця нянда теберта" сыра' сэвхат ныдабгасеты". Пэдарада сырам' тоёмьяць хонёдарха.

Тад җобңгуна мале сыра' еркана я' ний мерця җарковна ладада. Танзеракода парондэй" нимня выварць сюра, паё" неру" ёльцянд' тэвхая тодо яха" сюртемба пяда. Ябтак неро' малхана, вадёдавы хасуй вэбацям' пу"лабтаварин' харвада. Соходамда мэсь мерцякоцяда җани'

сахама, хасуй вэбацяр персеянда ныклы.

Нерде' вадёдава яхаданда нуво" няку' илада, тад тикахад сыра поңгэйхана сюра ян' ха"мы". Пуданда выварта танзер' мерцяко хасуй вэбацям' ехэрана ян' танада.

Парондэй" маси" нимня санартакораха. Пэдаракода хубтахана париде хаи. Харэ" помна санарць хэсеты, салтад' нимня едейко пу"ларёсеты, җани' сыра' ни ха"амсеты".

Ниняхандатоса", хибяхав ядембада нямю' малхана ня"амвонда, таросыда җамгэңэ таслахая, хэвня' сабцьвонда. Пуда' манэць нохо җэвы, ивнанда ядэрта Җэрм' яна" сармик. Хасуй вэбацям' писяңэ пявэда. Выварта танзер" җани' нерня' пу"ларада, Җо неру" варан'.

Җопой писавэй яля хубта ян' хэвы, няхар" юд' ня' ватамбой километран' пу"ларавы". Хубтыхы ялэмдал' пэвдякохона неру" вар' парондэй' ваңган' мантэй". Ныланана' тотрев' юседа, ниданда сыра' таборако" пыдабтамбидо'.

Тамна пон' юседаңговакы, җобңгуна хоркы" мандал" неру" варан' җамдыд". Савакпыха"нато неру" мал җаворць пя", нидо' нертемба тэри нявотарҗа". Җопой хоркы хасуй вэбакоцям' тан"җада, няби малмда ланзяртеда, хадахананда вэбакоцям' тю"у' нэкалҗада. Хоркы" мандал" нерня' сюрбыд", хасуй вэбаця хоркы" яд"ма" поңгана юседа хаи. Тадри' җани' мерцяңэ хая, тарем' мэнаханда Пяко" җэрм' няюд мерцясавай хадңэ посада. Хасуй вэбацям' җани' сюртехэ мерця танада, тю"у' илсетыда,

таси' ха"аврасетыда. Җани' җоб" ту"юку' тихия, парондэй' ваңган' ха"мы". Таняна җани' җамгэ' пират' юседа.

Җобңгуна пэвдя пихина җэрм' мерцяңэ посада. Хасуй вэбацям' парондэй' җылад җани' тюхулҗада, ихид меречь танзер" выврёсавэй" пэдара' варан' пу"лабтада. Маймбададарев' ямда манэць хасуй вэбаця җоб" пу"лары. Неранда няна савовна тенева неронда тарка җадимья.

Ти, хасуй вэбацяр Җарка"я явм' сидя мадада, тарем' җэдалёртанда, җани' вадё"мя неронда паханд' пу"ларэй".

Тикы' нерцона танзер" ханава' нерня вэбакоця хасуй вунися җа", җавнахаванда илебей падыраха вэбакоця нисяв җа".

Никита Анагуричи' павды

Вадава" тохоламбива"



Саванехэ', Едэйкохо' хуркари" нув' сармик", я' сармик" нямна лаханакурҕаха'.
Няданди' едэй" вади намдахава".

Здравствуй, Едэйко!
Здравствуй, Саване!

Торова, Едэйко!
Торова, Саване!

Какие животные
водятся в наших
краях?

В наших краях
водятся различные
звери:
лисы
волки
медведи
лоси
песцы
соболи
белки
зайцы
горностаи
росомахи
лемминги
тюлени
моржи

Хурка я' сармик"
яханана" тая"?

Маня" яханана"
хуркари я'
сармик" тая":
тёня"
сармик"
варк", ям' мядота"
хабарта"
нохо"
тос"
таряха"
тэваси"
пия"
иүгней"
нохо' пися"
няк"
тивтей"

Какие птицы обитают
в наших краях?
В наших краях
водятся такие
птицы:

гуси
лебеди
утки
куропатки
полярные совы
гагары
орлы
стерхи
кукушки
ястребы
вороны

Хурка нув' сармик"
яханана" тая"?

Яханана"
тарця" нув'
сармик"
тая":
ябто"
хохорэй"
ҕа"ҕо"
хоркы"
ханебцё
нюня"
лимбя"
харё"
хути"
ханавэй"
варҕэ"

До свидания,
Едэйко! Теперь
наши друзья
будут знать
названия животных
и птиц.

До свидания,
Саване!

Лакамбой',
Едэйко! Теда'
нини" я', нув'
сармик" нубе
теневаүгудо'.

Лакамбой',
Саване!

Ярабцада
хайна

Сидярг. А. Яптик' тадавы

Тюку илаҕана тарем' таслаб",
ярабц мэта" ҕоб' яҕгода" то"олха".
ҕыландо' манэкаваб", ненэй хы-
ноць ва"лей Яр-Сале хардахана
мэвы, нюмда - Вячеслав Хобкович
Вануйто.

Мэ"мы" сёхо"та инзеленахани нюдя
ҕэ"мами тензебтедамз. ҕавна иринана"
ҕани' тарем' хыноцеты". Та' мальҕгана
нито' мяк" ҕэдалё ханцеты", сырэй
ҕэбта сидя хабте"эм' подерта". Иры'
яляхана мяк" ҕэдалёсеты". Ханяҕэхэ"на
хан' хансад" вырна' сер' индо' ҕыл' едэй
сём' тасламбаүгу".

Вячеслав Хобкович тарця" вади хэ-
тась:

- ҕавнани ҕоб' ярабц мэтаха"
инзелесетыдм', ханяҕэхэ"на тэ"эл-
таҕосетыдм'. Тэ"элтаҕгова сава, ярабц
мэтанд вади иле"мядрев' маниеҕгуд.
Ярабц харта невхы иле"мя ҕы нив'.
Нерде' ярабц мэць ехэрадамз, пуна ҕоб'
хэв ярабцадми ма"ладм'. Тадри' тухудм',
теда' невхэхэд намдавы" ярабцани"
конкурсха"на мэцетын. «Лимбя» ню-
бета этностойбище' мякана невхы
намдавы" сёёни" мэцетыдм'. Теда'
мань «Душа Тундры» фестивалян'
хамекудм', сёдми мале тасла-
дамз.

Вячеслав Хобкович ихинан-
да ёльце сава манзаям' мин-
ре, пыда тарем' тасламби-
да: «Ненэцие" фольклорм'
тю"у" миндя" ҕацекэхэ"
ҕадимдембабана", тикахана ненэць'
ҕэвава" пун ҕэҕу».

Тет ҕарка сэрм' пыда тариҕась

Нябако, мадма:
Няхар" тидякони
Няхар" тидя' мят'
Харни ини' сер'
Тэри тоҕадамз.
Няхар" тидяхана,
Нябако, мадма:
Иб" мэҕгудама,
ҕани' нён ман",
Пуна нён ман":
Хасаваридамда
Пюсь товакы.
Хасаваридами
Пюсь товаедм'

Мань нидм' ҕа".
Нябако, мадма:
Тидякаханани,
Нюдя тидяхана
Иб" мэҕгудама,
ҕани' теда' ҕани',
Хэвы похона,
Хэвы нарахана
Мяҕг сядотами
Нётларидани
Тет ҕарка сэрм'
Вада тариҕась.
Мяҕг сядотами
Мамб"нанда маси":

«Нея, неякоко
Сававна инзеле".
Мэ"манда тая,
Вадами тая.
Тет ҕарка сэр"ни
Тюкохона мэнан
Хэня ҕэб"нанд,
Вэвакони тоб",
Ненэць' нидм' ҕа".
Тарць" хараха"на
Няхар" тидяхана,
Нюдя тидяхана
ҕули" нидм' мэҕгу".

Мария Окоэтто' падвы"

Газета
«Няръяна Нгэрм»

И.о. главного редактора
Кинчина
Галина Сергеевна

ГЕНЕРАЛЬНЫЙ ДИРЕКТОР
АНО «ЯМАЛ-МЕДИА»
Зулинова Мария Андреевна

№ 11 Подписано в печать 13.03.2025г.
Вышла в свет 15.03.2025 г.
По графику: 16.00, фактически: 16.00.

ПОДПИСНЫЕ ИНДЕКСЫ:
на год – ПА701,
на полугодие – ПР562.

Учредитель – департамент внутренней политики ЯНАО
(629008, ЯНАО, г. Салехард, пр-кт Молодёжи, д.9, каб.708).

Издатель – департамент внутренней политики ЯНАО (629008, ЯНАО,
г. Салехард, пр-кт Молодёжи, д.9, каб.708)

Газета зарегистрирована – Управлением Федеральной службы по надзору в сфере
связи, информационных технологий и массовых коммуникаций по Тюменской
области, ХМАО-Югре и ЯНАО от 19 апреля 2012 года.
Регистрационный ПИ № ТУ72 – 00559

Тираж 3600 экз.

Заказ № 0234 (тираж 3600 экз.) отпечатан в АНО «Ямал-Медиа»
Юридический адрес: 629003, Ямало-Ненецкий автономный округ,
г. Салехард, мкр. Богдана Кнуныянца, д.1, каб. 106

Фактический адрес: 629007, Ямало-Ненецкий автономный округ,
г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,
г. Салехард, мкр. Богдана Кнуныянца,
д.1, каб. 106
тел. (349 22) 4-53-32

E-mail: nn@yamal-media.ru